

輿地紀勝

三

宋元地理志叢刊

(宋)王象之撰

李勇先校點

四川大學出版社




中國地理學史綱要

第一卷 地理學史

中國地理學史綱要

輿地紀勝

中國地理學史綱要



輿地紀勝

三

宋元地理志叢刊

(宋)王象之·撰

李勇先·校點



四川大學出版社

責任編輯:莊 劍 徐聞文 熊 志
責任校對:王大用 洪 滔 杜 偉 李文傑
責任印制:楊麗賢

圖書在版編目(CIP)數據

輿地紀勝校點 / (宋) 王象之原著; 李勇先校點.
成都: 四川大學出版社, 2005.10
(宋元地理志叢刊)
ISBN 7-5614-3250-X

I. 輿... II. ①王... ②李... III. 歷史地理-中國-宋代 IV. K928.644

中國版本圖書館 CIP 數據核字 (2005) 第 111031 號

書名 輿 地 紀 勝

作 者	[宋]王象之 原著 李勇先 校點
出 版	四川大學出版社
地 址	成都市一環路南一段 24 號 (610065)
發 行	四川大學出版社
印 刷	成都東江印務有限公司
成品尺寸	140 mm×202 mm
印 張	212.625
字 數	4100 千字
版 次	2005 年 10 月第 1 版
印 次	2005 年 10 月第 1 次印刷
定 價	980.00 圓(全十冊)

- ◆ 讀者郵購本書,請與本社發行科
聯系。電 話:85408408/85401670/
85408023 郵政編碼:610065
- ◆ 本社圖書如有印裝質量問題,請
寄回出版社調換。

版權所有◆侵權必究

◆網址: www.scupress.com.cn

輿地紀勝卷第二十六

江南西路

《國朝會要》紹興元年，以江、洪、瑞、袁、虔、吉州，興國、南康、臨江、南安軍爲江南西路。四年，撥南康軍依舊屬江南東路。又《國朝會要》東路下載四年撥撫州、建昌軍依舊隸江南西路。

隆興府

豫章 南昌 鎮南 洪井 章郡 洪都 豐城

【府沿革】

隆興都督府，洪州，豫章郡，鎮南軍節度。《九域志》。江南西路安撫使，江西諸

郡皆屬焉。今制。《禹貢》揚州之域。《寰宇記》。星分翼、軫。此據王勃《滕王閣記》。又《漢書·天文志》〔一〕：「江湖，牽牛、婺女，揚州。」又《漢·地理志》云：「吳地，斗分，豫章屬焉。」又與《滕王閣記》不同，當攷。蓋豫章乃吳、楚之交，故星分亦難盡拘於一，當攷。春秋、戰國時屬楚。《通典》及《輿地廣記》俱同。《元和郡縣志》云：「春秋時楚之東境，吳之西境。」不同。秦屬九江郡。《寰宇記》。漢高帝始置豫章郡，漢高帝六年，分淮南置豫章郡，南昌屬焉。應劭《漢官儀》曰：「有豫章生於庭中，此木嘗中枯。」晉永嘉中，一旦更茂，咸以爲中興之祥。其後元帝果興大業焉。」屬長沙國，《漢紀》高祖五年，以長沙、豫章、象郡、桂林、南海立番禺君芮爲長沙王。後屬淮南國，事見《黥布傳》。又屬吳王濞。事見《濞傳》。景帝三年，削吳豫章郡。王莽改曰九江。東漢復爲豫章郡。皆屬揚州刺史。《職方乘》。晉惠帝於郡理立江州。《通鑑》：「晉惠帝元康元年秋七月，分荆、揚十郡爲江州〔二〕。」《元和郡縣志》云：「晉惠帝元康二年，於郡理立江州。」年月不同。而豫章爲刺史治所。《水經注》云：「晉惠帝永平中，始置江州，治武昌。」而《元和郡縣志》云：「晉惠帝於豫章郡理立江州。元帝時，始移鎮武昌。」《晉志》亦書云：「立江州，理豫章。又桓伊鎮武昌，時以江州虛耗，上疏欲移州還鎮豫章。」則江州初立時，乃治豫章，與《水經注》不同。象之謹按：沈約《宋書》云：「晉惠帝太康元年，初置江州，治豫章。至成帝咸康六年，始移治武昌。」以沈約

《宋志》參之，則《水經注》所書非是，而《元和志》及《晉志》所書爲當。晉元帝時，江州自豫章移理武昌郡。《晉書·華軼傳》書曰：「永嘉五年，軼爲江州刺史，不受琅琊王教令，琅琊王遣周訪等討軼，而豫章太守周廣爲內應。」則是時江州刺史尚治豫章。又《通鑑》：「大興三年（三二），譙王承爲湘州刺史，過武昌，王處仲與之宴。」是時王處仲領江州刺史，都督六州，駐武昌，故譙王之鎮而就見之耳。自懷帝永嘉五年至元帝大興三年，凡十年，則刺史自豫章移鎮武昌之年月雖無所紀載，然亦不過在此十年之間王處仲領刺史之日耳。《元和郡縣志》云：「晉惠帝元康二年，於郡理立江州。晉元帝時，江州自豫章移理武昌郡。自後或理淦城，或理尋陽（四），或理半洲（五），並在淦城近側。」沈約《宋志》以爲成帝咸康六年移治武昌，年月小有不同。宋、齊以後，並爲豫章郡。《寰宇記》。隋平陳，罷郡爲洪州。《寰宇記》。又《星子志》云：「隋文帝以江西乃洪崖所居，因名豫章爲洪州。」《元和郡縣志》云：「因洪崖井爲名。」煬帝時，廢州，又爲豫章郡。《寰宇記》。隋末，林士宏、蕭銑迭有其地。《唐書·蕭銑傳》云：「時林士宏據江南，銑遣將胡蘇兒拔豫章。」却不書年月。《通鑑》：「隋恭帝義甯元年，林士宏居南康，蕭銑遣其將胡蘇兒襲豫章，克之，士宏退保餘干。」則是豫章先屬士宏，後屬蕭銑也。唐平蕭銑，置洪州總管。《元和郡縣志》在武德二年（六）。而《職方乘》以爲唐平蕭銑，置洪州總管。《寰宇記》云：「平林士宏，置洪州總管。」然考之《通鑑》，平蕭銑在四

年，平林士宏在五年。又《通鑑》武德五年書云：「豫章賊帥張善安以虔、吉等五州來降，拜洪州總管。」則置總管當在武德五年。改曰都督府。在武德七年。分江南西道，爲採訪使治所。在開元二十一年（七）。改爲豫章郡。在天寶初。復爲洪州。在乾元初。置洪、吉觀察使。《方鎮表》在上元元年。陞江南西道節度使。《方鎮表》在建中四年。復爲江南西道觀察使。《職方乘》所載，而無年月。避代宗諱，止稱章郡。在寶應元年。事見杜佑《通典》。加鎮南軍節度。《通鑑》在咸通七年。南唐國主遷都南昌，《東都事略·李後主傳》。《職方乘》在建隆元年。曰南昌府，《職方乘》。陞爲南都。《通略》在太祖建隆二年。後主煜以林仁肇爲南昌留守。《通略》開寶三年書：「唐國南都留守林仁肇密陳淮南戍兵，少請復江北。」國朝平江南，爲洪州。在開寶八年。以爲江南西路兵馬鈐轄，太平興國元年。升爲馬步軍總管府，在大觀二年。升安撫使。統十州。宣和三年，十州曰：洪、瑞、袁、虔、吉、撫、臨江、興國、南安、建昌，皆爲屬郡。尋移帥府於江州，以朱勝非爲安撫大使，兼知江州，而洪州守臣止帶兵馬鈐轄。《繫年錄》在建炎四年。而洪州復爲帥府守臣，復帶江西安撫。《中興遺史》云：「紹興元年八月，朱勝非知江州，嘗論鎮撫使處置乖方之狀。又乞歸江西帥於洪州。俄江西帥司復歸洪州，湖東南路依舊爲南北路。」隆興以來，以孝宗潛

藩，升隆興府。《國朝會要》云：「先是，本軍言係孝宗潛藩，乞依靜江府例陞爲府額。隆興元年十月二十五日，陞爲隆興府。」而《職方乘》以爲隆興二年，守臣郭祚以孝宗潛藩申請，下三省議，特用紀元之號，賜府額曰隆興府。今領縣八，治南昌、新建兩縣。

【縣沿革】

南昌縣 望

倚郭。《西漢·地理志》豫章郡，領南昌縣。《元和郡縣志》云：「漢高帝六年置。隋平陳，改豫章縣。寶應元年，避代宗諱，改爲鍾陵縣。十二月〔八〕，改爲南昌縣。」《唐志》：「武德五年，於此置孫州，八年廢。」

新建縣 望

倚郭。《寰宇記》在州西二里。《輿地廣記》云：「本朝太平興國六年，析南昌縣始置新建縣，與南昌分治郭下。」《國朝會要》云：「太平興國四年，析南昌縣地置。」年月不同。《九域志》云：「太平興國六年，置新建縣。」《寰宇記》云：「初置新建縣，以林仁肇私第充爲縣宇。」

奉新縣 望

在府西百二十里〔九〕。《職方乘》云：「初，高帝平定海內，以項籍起江東，惡其強盛，分徙吳之大族置之他郡，遷塗山氏於此，因號新吳。」《元和郡縣志》：「後漢靈帝中平中，分海昏縣置新吳縣。隋開皇九年，省入建昌。武德五年又置。以舊隸楚，今新屬吳，故曰新吳。」《輿地廣記》云：「五代時，改曰奉新縣。」《職方乘》在南唐昇元元年。

分甯縣望

在府西四百里〔一〇〕。《職方乘》云：「縣武甯之分地〔一一〕，故曰分甯。」《皇朝郡縣志》云：「本艾縣地。」《左傳》：「吳公子慶忌出居于艾。」是也。《元和郡縣志》：「上元十六年〔一二〕，刺史李巽奏分武甯縣西界置，因以名焉。」《職方乘》載在正元十五年李巽奏置，年月不同。《舊唐書·地理志》云：「分甯正元十六年二月置〔一三〕。」有上元、正元之異。象之謹按：上元止於二年，無十六年。《唐書·李巽傳》巽以正元五年始爲江西觀察使，奏置分甯當在正元十五年。《繫年錄》云：「建炎四年六月，宣撫司機宜孫偉言：知分甯縣陳敏識拒敵有功〔一四〕，請除知洪州於張浚，浚承制建分甯縣爲義甯軍，進敏識二官使守之。時敏識已遷官，浚蓋未知。是

日奏至，不行。」

武甯縣 望

在府西北三百六十里。《寰宇記》云：「古西安縣地。後漢建安中，孫權分海昏縣立西安縣。」《通典》：「吳立新安。晉改豫甯縣。」《職方乘》云：「晉武太康元年平吳〔二五〕，以武帝字西安，故改名豫章。」《寰宇記》云：「陳於此置豫甯郡。隋平陳，併入建昌。」《元和郡縣志》云：「唐長安四年，割建昌縣界置武甯縣。」又云：「景雲三年，改豫甯縣。寶應元年，以犯御名，遂依舊爲武甯縣。」

豐城縣 望

在府南一百五十里。《通典》云：「本漢南昌縣地。後漢建安中，吳分置富城縣。晉太康元年，改爲豐城縣。」《元和郡縣志》云：「本漢南昌縣地。晉武帝太康元年，移於今縣南四十一里，名豐城。」《輿地廣記》云：「宋、齊、梁、陳皆屬豫章郡。隋平陳，省之。開皇十二年復置，曰廣豐。仁壽初，以避煬帝諱，因改曰豐城，屬洪州。唐因之。」又云：「雷煥得龍淵、太阿於此。」

進賢縣《輿地廣記》不注緊〔二六〕、望。

在府東一百二十里。本南昌縣之東境。晉析爲鍾陵縣，尋廢。唐武德中，復立鍾陵縣，其後又廢爲進賢鎮。《國朝會要》云：「崇甯二年，分南昌縣四鄉、新建二鄉，改鎮爲進賢縣。」

靖安縣 中

在府西北一百六十里。本建昌縣地。唐廣明中，置靖安縣。南唐以屬洪州。《皇朝郡縣志》云：「廣明中置鎮。吳乾正二年，升爲場。唐昇元中，改爲縣。」

【監司沿革】

轉運司

轉運使始於唐，開元二年，河南少尹李傑充水陸轉運使。尋置副。開元十八年，以宣州刺史裴耀卿爲江淮轉運使，仍以崔希逸、蕭旻爲之副。國朝因之。考之《實錄》初命知昇州楊克遜兼江南諸州水陸計度轉運使事。在開寶九年。時兼東、西兩路，故治不在豫章。又命知洪州王明兼江南西路轉運使。在太平興國元年。時止以郡守兼之，故漕臺未有治所。自楊緘爲江西漕，始治焉。雍熙中。廨宇舊在府城東北，後經兵火，運使張澄復新之。題梁在紹興四年。後改卜于子城東門外，爲東、西兩廳。東衙有襲香樓、正義堂、船

齋、愛民堂、懷訓堂，西衙有華遠樓、志民堂、進思堂、雙桂堂、深明閣、北窗。漕司花園曰有年堂、雲錦堂、觀風堂、露華堂、醑醺閣、垂珠菴、心遠菴、汎綠亭、潁香亭。

【風俗形勝】

豫章之俗，頗同吳中，其君子善居室，小人勤耕稼。《隋志》。以隆興紀元之號，寵其州陞府。程叔達序。南昌故郡，洪都新府。《滕王閣記》。星分翼、軫，地接衡、廬。同上。襟帶江湖，控引荆越。《職方乘》。屏翰江西。《帥守題名記》（二七）。都督江左。余石月序。地靈人秀。王荆公詩：「——古所藏。」山川靈秀。胡世將《大成殿記》：「豫章山川，靈秀而深遠。」山水秀怪。黃鼈記：「豫章——。」形勢雄勝。《五賢堂記》：「其形勢雄勝。」洪崖脩水，瓊峰石室。王欽若《玉隆觀碑》：「徙倚洪崖，沂沿脩水。鍊九籥於瓊峰，駐左驛於石室。」人亡劍去。李德裕《劍池賦》：「雖——，而故事可悲。」楚之東境，吳之西界。《元和郡縣志》。南接五嶺，北帶九江。雷次宗《豫章記》。咽扼荆、淮，翼蔽吳、越。雷次宗《豫章記》。左九江，而右洞庭。獨孤及。控蠻荆而引甌越。《滕王閣記》。東南水陸之會。章公弼《學記》。江南臨觀之美。韓文公《滕王閣記》：「江南多臨觀之美。」豫章以木氏都。陳留《風俗記》曰：「——」，酸棗以棘

名邦。」漢置豫章，因水名。隋易洪州，因山名。楊傑《門記》：「漢置豫章郡，因水名也；隋易郡曰洪州，因山名也。」州名從隋，鎮名從唐。楊傑《門記》。有長江巨湖爲之浸，有靈嶽名山爲之鎮。當淮海之襟帶，作吳、楚、荆、蜀之把握。封敖《滕王閣記》。豫章據吳、楚之衝，扼甌、閩、交、廣之吭。汪彥章《石頭驛記》。南距五嶺，北奠九江。據百粵之上游，爲三楚之重輔。范致虛記。以黃、韓篤厚之化（二八），易吳（一九）、楚剽輕之俗（三〇）。權載之作《洪州西山風雨池記》：「大夫李公理江西三年，寬仁清靜，正德利用云云，里閭之間，誦誦相聞。」滕王閣爲第一。韓愈作記云：「江南多登臨之美，而——，有環偉絕特之稱。」東南一都會。南豐《洪州東門記》：「在江湖之間，——也。」上控百越，爲一都會。杜牧碑。朝廷劇鎮，江左上遊。陳用寬《殿記》：「且鍾陵是——，——。」凡十一州五十六縣官吏皆受約束。郊升卿《五賢堂記》（三一）：「大江之西，豫章爲一都會云云。」諷讀之聲，有若齊魯。《晉書》：「范宣，字宣子，豫章人也。以誦誦爲業，譙國戴逵等皆聞風宗仰，自遠而至，——，——。太元中，太守范甯亦儒博通綜，在郡立鄉校，教授常數百人。由是並好經學，化二范之風也。」奧區神臯，處處有之。《豫章記》。化二范之風。范宣、范甯。赤氣見於牛、斗之間。《豫章

記》。天橫劍氣。豐城寶劍之精上徹牛、斗。雷煥爲令，掘地得雙劍，曰龍泉，曰太阿，送一劍與張華。後華誅，失劍所在。煥卒，子華持劍行經延平津，忽躍出化爲龍。使人沒水求之，但見兩龍。雲水窟裏。魯少師詩曰：「得官——」。弊樟擢秀於祖邑。郭璞《南郊賦》。以司馬宣王嘗爲豫章太守故也。東晉嘗置江州於此。《晏公類要》。晉以爲中興之祥。豫章嘗枯而更茂，晉——。其後元帝興大業於江左，地方千里，水陸四通，風土爽塏，山川特秀。雷次宗《豫章記》。人多尚黃、老清靜之教，重於隱遁，蓋洪崖先生、徐孺子之遺風。雷次宗《豫章記》。衣冠萃止，頗有文物。《三朝史志》。五代亂離，干戈擾攘間，猶有宋齊邱、徐鉉名動中原。張商英《洪州學記》。吳頭楚尾。《職方乘序》。郡城灌嬰所築。雷次宗《豫章記》。江西七郡，列邑數十，土沃人庶，今之奧區。財賦孔殷，國用所繫，茲爲重寄。樂天《除裴堪江西觀察使制》。

【景物上】

東園。在東湖上。南園。在府治之東南。舊名桃源洞。今有共樂堂、小湖山、先春亭、遐觀亭、照綠亭。北園。在府治之北。南楚。太史公稱爲——，其俗好巧說，少信。東湖。在郡東南，周廣五里。後漢永平中，太守張躬築塘（三），謂之南塘。宋景平中，太守宋興宗更

築小塘（二三）。《唐書·地理志》云（二四）：「元和三年，刺史韋丹開斗門。」雷次宗《豫章記》云：「水清至潔，而衆鱗肥美。」又《續職方乘》云：「豫章之——，猶錢塘之西湖也，雖不敢與西湖齒，然亦一郡之勝也。」又南豐《徐孺子祠堂記》云：「南昌城西有孺子墓，小洲上有孺子宅。」又李侍郎虛己、徐樞密俯皆卜築湖上，俯自號「東湖居士」。郭祥正《洪州絕句》：「東湖入望晚波平，蒲葉圓荷各自青。不用更尋徐孺宅，編茅搭竹一碑亭（二五）。」西山。在新建西，大江之外，高二千丈，周三百里，壓豫章數縣之地。《寰宇記》云：「又名南昌山。」《九域志》云：「吳王濞鑄錢之所。」余襄公靖記云：「——在縣西四十里。巖岫四出，千峰北來，嵐光染空，連屬三百里。其所經行，盡西山之景。」《水經》云：「有天寶洞天。」楊無爲亦有《西山記》。洪龜父詩云：「雲中聽雞犬，不見有人家。野水侵官道，山雲惹客衣。」南山。在分甯縣。隔溪跨橋，穿石竇而入，有蕭寺及龍王祠。懸崖峭壁，下瞰修水，有釣磯、玉溜石、積雪石，多黃庭堅題字。趙崇猷爲宰日，砌亭曰一翠，何異爲之記。古木蒼蔚，軒檻豁然。由亭後循崖而上至山巔，有冠雲亭，正與鳳山對轟，四望闊遠，周覽一縣之景（二六）。名山。在靖安縣西北四十里。洪芻《祐聖院記》曰：「右鶴嶺而左——（二七），長溪出焉。」洪崖、洪井。去郡三十里，左右石壁飛湍，奔注其下，曰——。洪崖先生得道處，故號——。豐水。在豐城縣東南，去州一百八十里。坯山所出也。脩水。在分甯縣西六十里。東南流經縣。《舊經》云：

「——出豫章西北。其源自艾城東北，流六百三十八里至海昏，又東流一百二十里入彭蠡。湖以其遠而自達于江，故曰脩水。」又按《西漢志》「豫章艾縣」注云：「——東北至彭澤入湖漢，行六百六十里。」即此水也。泐潭。在靖安縣北四十里。上有寶峰院，號石門山。荆公《口占示禪師》詩：「去歲別南嶽，前年返——。」章江。源出豫章，故名——。《西漢志》云：「出贛縣。」鶴嶺。雷次宗《豫章記》云：「在鸞岡之西。王子喬控鶴所降，經過於此。」《方輿記》云：「西山中峰最高頂，名曰——。」鳳山。在分甯。多靈草仙藥。鸞岡。雷次宗《豫章記》云：「——西有鶴嶺。」龍井。一在州南，一在州東，病者飲之皆愈。龍沙。《豫章記》云：「在郡北。堆阜逶迤，潔白高峻，而形似龍。舊俗，九月九日登高之處。」龍珠。《夷堅丁志》云：「豫章武甯縣復塘村，乾道己丑，一日白晝，雷雨大作，數牧童見電光中二龍鬬，良久，震霆數聲起，二龍奔逃，墜一物於半空中，大如車輪，墮田間，其光漸微，僅若鳧卵大，圓明如珠。衆童競爭，富人余氏易以數十錢，映空而視，中有仙女焉。府帥吳明可聞而訪之，余氏以僞珠塞命。」龍石。在分甯縣東二十里。宛若龍形。罇洲。在郡北九十里。蛟穴（三八）。在豐城縣。蛟井。《九域志》云：「蓋許遜除蛟龍爲害之所。」龍湫。在豐城縣龍門七寶禪寺之西。深處有石，可以琢硯，龍尾石之亞也。劍池。《九域志》云：「即雷氏子佩豐城劍躍入水爲龍之處。」曹績《廟記》（二九）：「——在豐城縣，沃野夷曠，遠峰際天，有曩時干斗靈異之迹，是曰